




ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԼԻԲԱՆԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ ՌԱՖԻԿ ՀԱՐԻՐԻՆ

Ապրիլի 2-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Լիբանանի Հանրապետության վարչապետ Ռաֆիկ Հարիրին և նրա գլխավորած պարզվիրականությանը:

Ողջունելով մեծարգո հյուրի այցը Մայր Աթոռ՝ Վեհափառ Հայրապետն անդրադարձավ երկու երկրների միջև առկա բարեկամական հարաբերություններին՝ կարևոր նկատելով հայ համայնքի դերը Լիբանանի Հանրապետության բարգավաճման գործում:

«Ուրախ եմք ողջունելու Ձեզ և Ձեր պարզվիրականության անդամներին Հայ Եկեղեցու և հայ ժողովրդի հոգևոր-նվիրական այս կենտրոնում: Մեր գնահատանքը Լիբանանի իշխանություններին, որոնք բարյացակամության և հոգածության շնորհիվ մեր ժողովրդի զավակներն ազատորեն ապրում են Ձեր երկրում իրենց ազգային կյանքով՝ լինելով Լիբանանի արժանավոր քաղաքացիները: Մեր աղոթքն է, որ Աստված ամուր և հաստատուն պահի մեր երկու ժողովուրդների դարավոր բարեկամությունը, որպեսզի երկուստեք կարողանանք իրականություն դարձնել այն բոլոր բարի մտածումները, որոնք ուղղված են բարօր կյանքի հաստատմանը ինչպես մեր, այնպես էլ Ձեր երկրում»,- ասաց Նորին Սրբությունը:

Լիբանանի Հանրապետության վարչապետը շնորհակալություն հայտնեց Հայոց Հայրապետին ընդունելության համար եւ անդրադարձավ հայ-լիբանանյան համագործակցության զորացմանն ուղղված ծրագրերին:

«Մեզ համար մեծ պարիվ է այցելել Ս. Էջմիածին և հանդիպել Ձերոջ Սրբությանը: Այս այցն ակնհայտ վկայությունն է այն ջանք հարաբերությունների, որոնք առկա են մեր երկու ժողովուրդների և պետությունների միջև: Հայաստանը մեզ համար բարեկամ երկիր է, որ բազում մարտահրավերներ է փռել, բայց ես հույս ունեմ, որ խաղաղություն պիտի հաստատվի՝ խարսխված արդարության և ենթոդամության վրա»,- ելեց վարչապետը:

Ընդունելությանը ներկա էին Վրաստանի հայոց թեմի առաջնորդ Տ. Վազգեն եպս. Միրզախանյանը, Մայր Աթոռի վարչակազմակերպական գործերի կառավարիչ Տ. Փառնե

նպս. Ավերիթյանը, Մայր Աթոռի դիվանապետ Տ. Արշակ վրդ. Խաչատրյանը, Լիբանանի կառավարության անդամներ, պարզամավորներ, երկու երկրների դեսպանները:

ՎԵՏԱՓԱՌ-ՆԱՅԲԱՊԵՏՆ ԸՆԴՈՒՆԵՑ ՀԲԸՄ ՆԱԽԱԳԱՀ ՊԵՐՃ ՍԵՂՐԱԿՅԱՆԻՆ

Ապրիլի 4-ին Մայր Աթոռ Սուրբ Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց այս օրերին Հայաստանում գտնվող Հայկական Բարեգործական Ընդհանուր Միության կենտրոնական վարչության նախագահ Պերճ Սեղրակյանին: Պրն Սեղրակյանը, որը երկար տարիներ իր ծառայությունն է բերել Հայկական Բարեգործական Ընդհանուր Միության իբրև վարչության անդամ, նախագահի պաշտոնում ընտրվելուց հետո այդ հանգամանքով առաջին անգամ է այցելում Հայաստան և Մայր Աթոռ Սուրբ Էջմիածին:

Այս առիթով Վեհափառ Հայրապետն իր բարեմաղթանքներն ու շնորհավորանքները բերեց պրն Սեղրակյանին՝ գոհունակություն հայտնելով այն համագործակցության համար, որ առկա է Հայաստանյայց Եկեղեցու, ի մասնավորի Մայր Աթոռ Սուրբ Էջմիածնի և ՀԲԸՄ-ի միջև: Նորին Սրբությունը բարձր գնահատեց ՀԲԸՄ-ի կողմից ցուցաբերվող աջակցությունը Հայ Եկեղեցուն՝ քրիստոնեական դաստիարակության, ազգային-եկեղեցական ոգով մանուկների կրթման, եկեղեցաշինության և սոցիալական ծրագրերի իրագործման ոլորտներում:

Շնորհակալություն հայտնելով Ամենայն Հայոց Հայրապետին ջերմ ընդունելության համար՝ ՀԲԸՄ նախագահը վստահեցրեց, որ ՀԲԸՄ նախորդ նախագահների նմանությամբ նա ևս պետք է շարունակի գորացնել այդ համագործակցությունը և ստարտել Հայ Եկեղեցուն:

Հանդիպման ընթացքում պրն Սեղրակյանը ներկայացրեց ՀԲԸՄ բարեգործական ծրագրերը Սփյուռքում և Հայաստանում, ինչպես նաև անդրադարձավ Մելքոնյան կրթական հաստատության ապագայի նկատմամբ ՀԲԸՄ կենտրոնական վարչության որոշմանը:

Նորին Սրբությունը, հայտնելով իր գնահատանքը ՀԲԸՄ-ի ազգանպաստ գործունեության համար, հաջողություն մաղթեց ՀԲԸՄ կենտրոնական վարչությանը և ողջ անդամակցությանը:

Հանդիպմանը ներկա էր նաև ՀԲԸՄ Հայաստանի ներկայացուցչության տնօրեն Աշոտ Ղազարյանը:

ՎԵՆԱՓԱՌ ՎԱՅՐԱԴԵՏՆ ԸՆԴՈՒՆԵՅ «ՎԱՄՊՈՒՐԱԿԱՆ» ՎԱՅՐԵՆԱԿՑԱԿԱՆ ՄԻՈՒԹՅԱՆ ԱՆԴԱՄՆԵՐԻՆ

Ապրիլի 5-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց «Վասպուրական» հայրենակցական միության անդամներին, ովքեր, արդեն ավանդաբար, Մկրտիչ Ա Խրիմյան Հայրապետի ծննդյան փառեդարձի օրն այցելում են երջանկահիշարակ Կաթողիկոսի շիրիմին, մասնակից դառնում շիրիմի մոտ կատարվող հոգեհանգստյան արարողությանը և իրենց հարգանքի փուրքը մատուցում Ամենայն Հայոց 125-րդ Կաթողիկոսի հիշարակին:

Վեհափառ Հայրապետն արժեւորեց ու բարձր գնահատեց միության անդամների նվիրվածությունը Խրիմյան Հայրապետի հիշարակին: Նորին Սրբությունը միաժամանակ հորդորեց վասպուրականցիներին՝ միության շարքերը համալրել երիտասարդ սերնդով, որպեսզի երիտասարդները ևս հաղորդ դառնան Հայոց Հայրիկի պատգամներին ու ոգուն, ապրեն նրա հայրենասիրական շնչով՝ իրենց ծառայությունը բերելով ազգին ու Հայրենիքին:

«Խրիմյան Հայրիկի հայրենասիրական ոգով է, որ մենք պիտի կարողանանք պաշտպանել ու պահպանել երկիրը Հայոց, այդ ոգով է, որ մենք պիտի կարողանանք առաջընթաց ապահովել, բարգավաճում ու ծաղկում բերել հայրենական մեր կյանքից ներս, այդ ոգին է, որ պիտի նաև լուծումներ բերի այնպիսի լարված իրավիճակների, որոնցում ապրում է մեր ազգն այսօր», - նշեց Ամենայն Հայոց Հայրապետը:

Շնորհակալություն հայտնելով ընդունելության համար, միության անդամների անունից երախտագիտության խոսք ասացին միության նախագահ դոկտոր, պրոֆեսոր Բաբկեն Հարությունյանը, ակադեմիկոս Վարազդատ Հարությունյանը:

Հանդիպման ընթացքում Նորին Սրբությունը պարասխանեց նաև ներկաների հարցերին:

ՎԵՆԱՓԱՌ ՎԱՅՐԱԴԵՏՆ ԸՆԴՈՒՆԵՅ «ՄԱՏԵՆԱԴԱՐԱՆԻ ԲԱՐԵԿԱՄՆԵՐ» ԲԱՐԵԳՈՐԾԱԿԱՆ ՀԻՄՆԱԴՐԱՄԻ ԳՈՐԾԱԴԻՐ ՏՆՕՐԻՆՈՒԹՅԱՆԸ

Ապրիլի 21-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց «Մարենադարանի բարեկամներ» բարեգործական հիմնադրամի գործադիր փնտրիությանը և Մեսրոպ Մաշտոցի անվան Մարենադարանի ղեկավարությանը:

Նորին Սրբությունը, լինելով բարեգործական հիմնադրամի պատվավոր նախագահը, հանդիպման ընթացքում ներկաների հետ քննարկեց հիմնադրամի գործունեությանը վերաբերող հարցեր: Հիմնադրամի եռամյա գործունեության մասին զեկույցով հանդես եկավ հիմնադրամի գործադիր փնտրեն Արշակ Բանույանը:

«Գոհունակություն ենք հայարնում այն աշխատանքի համար, որ հիմնադրամի գործադիր տնօրինությունն իրագործում է ի սեր Մալենադարանի», - կարևորելով հիմնադրամի գործունեությունը, ասաց Նորին Սրբությունը՝ նշելով, որ ըստ ամենայնի կշարունակի աջակցել Մալենադարանի աշխատանքների իրագործմանը:

Նանդիպման ընթացքում որոշվեց «Մալենադարանի բարեկամներ» բարեգործական հիմնադրամի Նոգարարձունների խորհրդի անդրանիկ նիստը գումարել հոկտեմբերի 18-20-ը:

**ՄԱՅՐ ԱԹՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՂԱՄԱԿԱՐԳ**